



門 叔 15
編 961
卷 3

56

通鑑卷之五

物性第九

京山李 元太初

物性彩色別大小具父子兄弟唯自其性其性自
情性皆善惡無類而判

定其形類之類其類之性其性自其性自其性自
其性自其性自其性自其性自其性自其性自其性自



歸範卷之五

物性第九

京山李 元太初

物辨形色別大小其父子兄弟唯肖其飲食居處聲音情識唯肖故善惡緣類而判

虎狼蛇蝎之惡麟鳳龜龍之善氣相感也業相述也處相師也則習亦為性

鷓毅鵬鷲鷹鷹鶻捐烏陽而性剛也鼠畏狐疑馬驚獐怯獸陰而性柔也

鷓鴣雀也鷓鴣也似雉而大色黃黑似褐首有毛角如冠性愛其黨有相侵者直往赴鬪雖死不已禽經所謂毅不知死也性復粗暴每有所攫應手摧碎其青色者曰駮

鷓鴣也鷓也鷓也似鷹而大嘴曲目深尾長翅短土黃色鷓悍多力盤旋空中無細不覩善搏鴻鵠食之草有鷓羽衆鳥處之毛自落其翮可爲箭性畏燕子其別種曰青鷓青色能執犬羊食鹿豕俊者謂之海東青曰鷓羗鷓也羗鷓也黃額赤目五色皆備

曰皂鷓出西域每產三卵二鳥一犬其犬短尾灰色尾背有羽隨母影而走逐無不獲謂之鷓背狗愚按禽經云鷓以膺之鷓以搯之隼以尹之鷓以周之鷓以就之鷓以搏之又云搯曰鷓瞭曰鷓展曰鷓奪曰鷓釋其性不別其物博雅家謂鷓出遼海鷓出北地鷓出突厥鷓出西南夷然目前時鳥有鷓鷓海青卽獵人養鷓來自北地亦與時鷓形狀無殊禽經謂善搏者鷓竊元者鷓夫鷓而竊元則鷓也蓋鷓亦鷓之大而鷓者鷓隼鷓鷓皆一物異名或因地殊名詩賦

常用各據所見豈有舍目前而遠取不經見以形諸
咏歌乎少昊五鳩卽鷹鷂鷓鴣燕皆目前物鶚水
鳥鷓鷄屬鷺自搏其類雖鷺不與

鼠鼯也老鼠也首鼠也耗蟲也家鹿也社君也陳二
公也似兔而小青黑色四齒無牙長鬚露眼前爪四
後爪五尾文如織無毛長與身等五臟俱全肝有七
葉膽在肝之短葉間大如黃豆正白色貼而不垂才
死則消腎有符篆朱文謂之鼠印善竊晝伏夜動性
黠而疑出穴不果好自播弄其鬚孕一月而生多者

六七子食巴豆而肥食鹽而身輕食砒而死百歲色
白三百歲善憑人而卜名曰仲能知一歲吉凶及千
里以外事頗魅人五百歲後則耳白足紅眼赤所穴
處掘之得金玉其別種曰鼯銀鼠也色白如銀可爲
裘亦可緝毛爲布曰黃鼠短喙無目性狡善聽聞人
足音輒逃匿土人呼爲轄撞曰松鼠能以尾飛其騰
越樹杪雖相隔一二丈許但陡豎其尾驀然飛越勢
在尾也曰黑鼠魚尾出陽羅江曰白鼠白毛火眼出
閩粵曰金鼠金虎也鼠身虎首色如沉香性靈而悍

能夜入雁鵝翅中啣其項食之亦躍踞麋角食其腦
曰天鼠似雀大如貉皮可為裘出吐蕃曰沙鼠大如
兔鷲鳥捕之出高昌曰鞞鼠額有文出甘棗山曰狙
如白耳白喙出猗帝山曰蠻蠻首似鼈音似犬出剛
山曰寓鼠鳥翼音如羊出號山曰螢鼠似雞鼠尾曰
西域鼠大者如狗頭白色商賈經其國必祀之不然
齧人衣服

烏慈雛孝鳧愿鵬介

鳧鴈也晨鳧也沈鳧也野鴨也野鷺也似鴨而小青

白色背有文短喙長尾卑脚紅掌白尾與足連性謹
愿肥而耐寒數百為羣晨夜蔽天而飛聲如風雨所
至稻梁一空黑者鳩白者鵲雜毛者鷺五色者鵠
鵬鵠也鵠鵠也白雉也白鶉也閑客也似山雞色白
有黑文如漣漪尾長三四尺紅頰赤喙丹爪性耿介
行止閑暇其黑者為鷓雉亦名黑鷓

孔妬鴉淫鷲悍鷓貪

孔雀鷓鴣也孔鳥也越鳥也文禽也南客也孔都護
也似鳳丹紫元目細頸隆背自背及尾皆作圓文五

蠶

卷五

四

色相繞如帶千錢戴三毛以為冠各長寸許其尾謂之珠尾五年而後成長三尺展開大如車輪金翠可愛亦復自珍棲必擇地雨不敢騫晴則張翅尾盼睩而舞南人暗伺其過生斷其尾若回顧則金翠頓滅矣與蛇偶見蛇則躍性好妬見婦孺錦綵必逐啄之雌者尾短無金翠音影相接而孕或雌鳴下風雄鳴上風或聞雷聲亦孕其血最毒見血封喉立殺人

螳怒鮑嗔鵝傲狼很

螳螂也蚌也髦也髡也羊七也敷常也蠹蟻也蝕

朮也食厖也蛭娘也石螂也芊芊也莫辨也不過也天馬也馬敷也王蛟也蛄蚊也拒斧也斫父也齧肱也其子則蝶蛸也蟬蛸也轉蟪也冒焦也致神也烏洩也野狐鼻涕也驤首奮臂修頸大腹二手四足善緣而捷以鬚代鼻專食生蟲亦喜食人髮常搖肩攫舌翼下紅翅如裙俗謂之織絹娘能執翳葉而捕蟬得其葉可以隱形或含螳螂之氣可以生火腹有二蟲深秋乳子作房粘枝上即蝶蛸也房長寸許內有隔房每房有子如蛆仲夏芒種始生有百子

需

卷五物性

五

鮪鰩也鮪鮪也鮪鮪也鮪鮪也鮪鮪也鮪鮪也胡夷也赤鮭也黃規也烏狼也河豚也探魚也噴魚也回魚也規魚也鰾魚也氣包也吹肚也似蝌蚪大者長尺餘無鱗無腮無膽腹下白而不光背青白有黃縷目能開閉率三頭相從為一部觸物即噴脹如毬漢武逐夷得之故名鮪鮪其腹腴美謂之西施乳暮春柳花飛時始肥冬至後來漁人截流為柵魚至自相排蹙或觸柵則怒而鼓腹浮於水上乃接取之肝眼脂血子有大毒殺人三月以後色淡黑有文點者名

斑魚毒更甚插樹立使枯乾

鷓鴣鵪緩鳩拙蝮鈍

鷓鴣青鷓也蕃雀也寇雉也寇雀也突厥雀也大如鴿形似雌雉脰上下赤鼠脚無後趾趾尾性慙急飛則雄前雌後隨其行止出北方沙漠地愚按常鳥無此郭璞據突厥雀釋之但慙急不足稱鷺爾雅釋常鳥何取乎突厥疑即鷓鴣異名鷓鴣善奪鱣鮪也鰻也草魚也似鱒而大形長身圓肉厚而鬆有青白二色其性舒緩蓄者以草飼之而肥

蝶

卷五

七

杜鵑化而悲精衛化而恨奔鯨化而懶老狐化而謠謝豹化而耻

精衛誓鳥也志禽也冤禽也帝女雀也似烏文首白喙赤足嘗銜西山木石以塞東海無雄偶海燕而生雌為精衛生雄為海燕炎帝女女娃溺海所化謝豹忍耻蟲也小類蝦蟇圓如毬潛行地中如鼯鼠穴地頃刻深數尺掘出之則以兩足覆面作羞狀聽杜鵑聲則腦裂而死以杜鵑呼謝豹也相傳謝豹抱耻而死所化出號州

蝸好升而枯傅好負而墜鵙好鬪而死獺好慾而亡

蝸瓜牛也土蝸也山蝸也蝸羸也陵羸也黃犢也蛤窮也倮鼻也僕纍也蝶羸也蚘羸也蠶牛也土牛也蟻猴也蟻蚰也螭蚰羸也篆愁君也似羸白色背殼宛轉有文章絞縛為結內有肉常負殼行行則頭出有兩黑角驚則首尾縮入殼中常夜出盛夏日中自懸樹葉下往往升高涎沫枯盡自斃其涎粘壁如畫可以制蜈蚣
傅負版也遇物輒取仰首負之雖重困不止背甚澀

需

卷五 物性

蠅

蠅

七

物積不散或去其負苟能行持取如故好上高極其力至墜地死

雌愁雨螺怕雪蚊走烟蟹躲霧鷺畏露鷓鴣藏霜蜚廉死西風

蜚蠊飛廉也蜚蠊也蠹蠅也飛廉也負盤也石薑也滑生也茶婆蟲也香娘子也輕小似蚊蠹亦似蠶蛾腹背俱赤兩翅能飛喜燈火之光生草中清旦則飛集稻上食其花日出則散氣息臭惡而毒噉稻即敗遇西風即死八九月寒則入人家

豕愛雨犬喜雪鼯遊烟豹澤霧鷓鴣飛霜良馬乘風雁有羣鵠有行鮐有部雌有類鼯鼯咬尾而行帶魚啣尾而升其性羣也

鼯鼯誼鼠也身小尾短每行遞相咬尾三五成羣驚之則散

帶魚身薄而長無鱗冬月最盛一釣則羣帶啣尾而升小者謂之帶柳

獨獨鳴獬獨寢鱒獨尊鰕獨行其性獨也
羣鶴自愛尾狻自愛尾豹自愛文麝自愛臍鷓自愛羽

需

卷五物性

驚自愛影象自愛齒鹿自愛角

犛象也犛牛也髦牛也摩牛也猫牛也犛牛也竹牛

也牝牛也毛犀也猫猪也猪神也如犀而小身黑腹

肘赤足四節角長而勁黃黑相間文理似竹無粟紋

善知吉凶即旄牛之大者重可千斤

狨猴也獾也金線猴也似猴毛柔而長色黃赤如金

線輕捷善緣木拋枝接樹往來如飛羣隊成千雄而

小者為狨奴尾長自珍中矢即齧斷其尾以猴為糧

集羣猴於野令其跪而手按之擇肥者石蓋其頂則

羣猴皆去肥者乃飲水濯淨腸胃自拔其毛卧聽狨食

麝麝也土麝也香麝也射父也似麝而小黑色好食

柏桑葉啗蛇香在陰莖之前皮別有膜袋裹之夏月

食蛇蟲多至寒則香滿入春臍內急痛自以爪剔去

著屎溺中覆之常在一處不移遠近草木不生或草

色焦黃也被人追急即投崖或剔香投人就繫且死

猶拱四足保臍或為猛獸捕逐驚墜死者破心見血

亦香又水麝臍香似水滴一瀝於斗以水洒衣物其

香至敗不歇人以針刺臍出其水捻以真雄黃則臍復合

鷓翠也述也翡翠也狀如鷓鴣碧羽鮮縹將風則啼將雨則鳴常自惜其羽日濯水中取之可以飾冠及婦人步搖雄曰翠毛青黑翎深青有光采好食魚雌曰翡翠紫赤翎有青點無光采林棲不食魚或曰前身翡翠後身翠或曰雄翡翠色赤雌翠色青又九真郡有翡翠青縹色黑首赤腹愛其子恐墮地每更作巢益就下

鷺鷥鷓也蚰蜱也蠖蝸也駮蟻也山雉也山雞也禾雞也文雞也金雞也錦雞也似翟而小有小冠背毛揚赤文味赤腹下赤項綠膺前五色鮮明性愛其羽毛照水卽舞目眩卽死其雌者曰鷺文鷓也禹愛其類鶡愛其類鷺鳩惡其類竹雞惡其類鼃好睡貉好睡砂仔好睡鶡好立驢好立馬好立

物制第十

物相畏以天相制以氣故形無小大也勢無強弱也威

無生死也

鷓鴣逐鳥燕子擊鶻鼠穿象鼯鼠斷猿蜥蜴害龍蚊
蚋殺鼈

蝟使虎申蛇令豹止鵝飛則蛾沉鵝鳴則蛇結鳥見鵬
羽則落毛獸聞獅聲則裂腦

獅虺也狡狴也師子也白澤也似虎而小色正黃或
青有髯頭大尾長耳弭鼻印銅額鐵鉤爪鋸牙聲
吼如雷目光如電日行五百里怒則威在齒喜則威
在尾牡者尾上茸毛大如斗尾作拂夏日蠅蚊不敢

集其性猛悍能拉虎吞貔裂犀分象食禽獸以氣吹
之羽毛紛落其乳以金銀寶器盛之皆漏惟玻璃可
盛以八牛羊乳中皆化為水虎見伏豹見瞋熊見跪
一吼百獸辟易馬皆溺血雖死肉虎豹無敢食之者
然白狼山有狸殺獅伽昆邪國有天鐵獸擒獅
鰻烟化蚊蚋為水驢溺化蚰蜒為水獅乳化牛羊之乳
為水獺血化雞鴨之血為水

蚰蜒蛆蛄也蟻衝也蜚蠊也蚨野也蛤窮也蜻蛄也
斑蚤也入耳也草鞋蟲也狀似蜈蚣長二三寸大如

15
釵股背黃黑其足無數尾充無岐死亦踞曲如環聞
人髮脂香入人耳及諸竅中以驢乳灌之即化為水
腐草所化或曰螺子所化

鯢鱗化瓜為水獭溺化鐵為水酪漿化真珠為水
狷見鵲則仰腹受鵲猴見狻則潔腸聽食蚯蚓見土蠱
則不復動蜈蚣見蛞蝓則不復行

土蠱度古也似書帶長二尺餘首如鏟背有黑黃襴
稍觸即斷行吐白涎似銀有光善趨蚯蚓不復動乃
上蚓掩之良久蚓化惟腹泥如涎雜食輒死

犀角駭雞蝮腎驚犬螢火却馬鬣脂集鼠牛膽靜蛙

蝮骨蝮也骨豹也照肺也海狗也有二種陸生似

狗豹文二足有角長尾水生者狐身狗足魚尾毛青

白色脇下白其臍腎似麝香置睡犬頭上犬忽驚跳

若狂

汗羈引兔磨鐵致蝮投甌止梟鎮鐵絕龍投大蒜而駭
鱣下橄欖而毒魚

螻蛄螻也蛭也蝎也蝮也蠱也蜈蚣也蠃也蝮也蝮也
也天螻也蝮也螻蛄也螻蛄也螻蛄也螻蛄也盧鈎也土

狗也社狗也仙姑也津姑也螻蛄也蛄詣也炙鼠也
石鼠也梧鼠也杜貉也蠨蛸也喧螿也偷火蟲也穴
土而居短翅四足立夏後至夜鳴如車聲雄者善飛
雌者腹大羽小不善飛翔吸風食土喜就燈光黃帝
時有大如牛者然螻蛄廣雅以爲碩鼠荀子以爲梧
鼠爾雅以爲螻蛄又月令之螻蛄鄭康成以爲蝦蟆
盧翰以爲螻蛄獨高誘謂螻蛄蝦蟆分言之近
是

附鷓渠已曝鷓鳥獐犬已風白鶴已唼馱鳥已墊鶻

鷓已疽當扈已胸鷓鷓已饑黃鳥已妬囂猴已術數
斯鞞鼠已瘦羶羊已腊謹獸鰓鰓已瘳耳鼠已睽天
嬰已痊鴿鸚鵡蛭已脉谿邊鯪魚三足鼈已蠱櫟鳥
鮒魚已痔頷胡鮓魚文鮓已狂鮓魚三足龜已腫赤
鱗已疥滑魚鱗魚已疣肫肫條魚已憂何羅已癰箴
魚已疫鯊魚已驕人魚已癡修辟豪魚已癰鶻鴟輪
魚已睡騰魚已瘦肥遺珠蟹已癘鮓父已嘔旋龜已
聾

犀角開水鸛巢盛水鮫腹貯水象力浮水鯢畏淡水鱧

惡清水鱗出水則死鱓吞水則死

犀姑犀也山犀也竭伽也毛色黑三毛一孔牛身豕首象足腹大足短足有三蹄蹄有三甲舌上有刺好食棘刺行過叢林不通則露齒向之棘林自開食竹木則小便竟日不盡自惡其影所飲必濁頭有二角一額一鼻在鼻者小而不墮食角也亦名胡帽犀亦名奴角奴角長額角短惟額角爲貴謂之通天犀亦稱雞眯白經千歲長且銳有白縷直上至端出氣通天夜露不濡云是胎時見天上物過而生凡過山川

日月草木禽獸隨寓成形月下以水盆映之可知紋如魚子謂之粟紋紋中有眼謂之粟眼黑中黃花爲正透黃中黑花爲倒透花中有花爲重透此上品也椒豆紋者次之無花者下有特神者角有光耀夜暗之中理皆粹然光由中出望如火炬置之草野禽獸過之皆驚凡通天犀角可以駭雞置米飼雞雞不敢啄可以驅烏取置屋上烏不敢集可以分水刻爲木魚水開三尺可以制狐投置穴中狐不敢歸可以試蠱飲食有毒攪生白沫可以照妖夜燃照水水族見

形歲一退角必自埋之潛易木牙不離故處若直取之則別藏難尋矣凡犀角鋸成以薄紙裏置懷中蒸熱搗之應手如粉所謂人氣粉犀也其脚前直依木而息獵者植朽木爲棧息而仆焉久不可起因格殺之也其別種曰兕沙犀也斑犀也特犀也似牛青蒼色重千斤皮可制鎧一角長二尺餘或在頂或在鼻文理細膩斑白分明曰水犀居水中皮有珠甲出入有光水爲之開聞絲竹之聲則出聽因而采之又有南海之三角九真之獨角曰南之白犀疏勒之影犀

南昌之夜明交趾之辟寒唐文宗之辟暑嶺表之辟塵南越之辟水同昌公主之蠲忿皆異種也又有骨薦犀一名骨咄則大蛇之角非犀種
火鴉食火火鼠居火鵲鵲厭火飛蛾撲火撒竦滅火龍火得水則燔得火則熄猾脂得油則燃得酒則熄
火鴉火雞也山斲木也大如鴉青黑色頭有紅毛似鶴頂堆砂毛毳毳下垂長項修足高二三尺利爪傷人腹致死食火炭亦斲木
火鼠毛長丈許細如絲居火山山有野火春生秋熄

鼠生其中八火赤色出火白色以水沃之則死其毛
織爲火浣布則燒之而潔
鷓鴣鴟也鴟也交目也交臚也鷓鴣也菱雞也冠鳧
也多在菱菰中似鳧足高嘴丹而長好啄項有紅毛
如冠翠鬣碧斑其首有石云石首魚所化養之可以
厭火災旋目曰翹方目曰鳩交目曰鴉實一物也巢
於高樹生子穴中銜其母翼飛下飲食
撒辣皮厚毛黑黃相間背脊黑長至尾有斑點力能
滅火出西洋

附鵲竊脂衛火赤驚駝餘臙疏蛻獸鰓鰓禦火鵲鴉
孟槐謹獸天狗冉遺禦凶寓烏駁馬鯨魚禦兵青耕
禦疫耳鼠禦毒

蟾肪軟玉獬矢切玉鹿角碎玉蠅糞點玉
雉糞枯銀蟻喙蝕銀鱗骨瘦銀羚羊角損銀鼉殼銷銀羊
脂柔銀

鷓鴣羽粉金麕角碎金鴟血昏金馬脂柔金
麕羚羊也麕羊也似羊青色而大毛粗有兩角角細
如人指長四五寸或長一二尺皆有圓繞蹙文凡二

十四節內有木胎角力可抵千牛可碎金剛石及獬
骨燒烟可辟蛇虺性好居山巖夜則懸角木上以防
患其角深銳繁小有懸木痕附耳聽之集集鳴

獬糞化鐵龜脂燃鐵鷓膏瑩鐵羊頭消鐵

鷓鷃也水鴉也水鶯也似鳧而小蒼白文尾與足連
不能陸行見人則沉擊之則起膏中瑩刀不繡

鼯毛辟塵犀角辟塵熊象之膽辟塵獅塵之尾辟塵

鼯栗鼠也松狗也似獬尾粗毛深寸許紫黑色服其

裘者得風更暖入水不濡遇雪則消拂面如散塵沙
眯目以裘拂之即出近火則毛易脫其黃色者為黃
貂白色者為銀貂

塵權也荒鹿也蛇鹿也似鹿而大色蒼黃無斑頭上
一角大而有文堅瑩如玉行則衆鹿隨之視其尾為
準其尾能辟塵以拂毡毯則不蠹能留紅以藏茜帛
則不黧

鷓糞枯木蝮齒枯木鮑脂枯木

牛脂軟銅羊脛磨鏡殺角縮錫豬肪制硫龜溺入羗羊

鶻伏礮鳩髓爛石

鶻鳩也曇鳥也同力也雲白也狀如鴉紫黑色喙長七八寸黃赤如銅尾有綵文背上連錢文足三距雄者其鳴先顧雄曰蠕亦曰運日雌曰螭亦曰陰諧運日知晏陰諧知雨各應時而鳴其聲如擊腰鼓好食蝮蛇椽實蛇入口則爛矢尿著石石爛膽沾指指斷羽瀝酒飲之殺人善禹步禁法知巨石大樹間有蛇虺則進退俯仰或獨爲或結羣須臾石崩樹倒而蛇虺出矣常巢木顛巢下數百步草木不生飲水百蟲

吸之皆死惟犀角汁入其中則毒化

獺膽分卮蜋血柔弓鸞血續膠孔毛聚香蠟脂化漆煮羊以鬲煮鼈以蚊煮龜以桑煮蠟以燈心

蟲
卷之六

--	--	--

端範卷之六

京山李 元太初

物材第十一

聖人之師萬物也觀鳥獸之文服袞冕十二章百官虎拜而朝鷺序鵠行龍鳳紀官五鳩五雉九鳥各司其政觀蝌斗而造書契聞鸞鳳之音而大樂作焉

衣其皮食其肉毒者驅之良者畜之材者用之不材者逐之亦所以成物也

馬乘牛耕雞警犬守羊裘豕肉六者家之需也驢騾駱

需範

卷之六 物材

駝馬醜鴨鶩雞醜貓犬醜

豕豬也獮也彘也豨也剛鬣也勃賀也烏鬼也烏金也參軍也黑面郎也魯津伯也烏將軍也大蘭王也食物寡而易肥性好觸突人趨濕喜穢孕四月而生牡曰猓曰牙牝曰貍曰獲其子曰豚曰彘曰狔一子曰特二子曰師三子曰縱末子曰么色純黑或白或花有黃臙者肉中有米者生青交徐淮者耳大生燕冀者皮厚生梁雍者足短生遼東者頭白生豫州者足短生江南者耳小生嶺南者身白其別種曰狸力

有距音如狗出柅山曰狢狢有珠出泰山曰合窳人面黃身赤尾出剡山曰聞麟黃身白首白尾出凡山曰當康有牙出欽山曰蠶蛭有角出昆吾山曰鼈封前後有首出區陽曰貓豬大者肉至千斤曰鬪豬善鬪出扶南曰大豬一蹄四五甲多膏以鐵錐刺其頭入七八寸得赤肉乃動出鬱林曰猾裹似人斲鬣穴居出堯光山

雞報曉鶩報更驢報五更

驢力在脾騾力在腰馬力在前膊

驢衛也漢驪也長耳公也宮亭侯也廬山公也長頰
廣額修尾有白黑褐三色午及五更鳴應漏刻其行
四足迅移無雙擲者魏王粲好之家畜八頭價百金
日落釵遠遊鷲羽白風臨江上雲奔濤飛星其別種
曰驪獵也閭也廡也山驢也野驢也驢羊也大如鹿
狀如羊歧蹄馬尾兩角或一角曰神驢長十丈能行
水上兩翼能飛出修彌國曰大驢日行八百里出波
斯國曰花驢有文出入兒國曰海驢入水不濡其皮
製雨具雨不能潤候風潮則毛起出海島

牛可駕馬可負犬可守夜雞可司晨羊豕可充厨是有
用之爲用也而民畜之鷹使擊猴使舞鸚鵡使語鶉使
鬪蟻使戰是無用之爲用也而民亦畜之
鶉扈也鴛也鷓也鸚也鸚也鶉也鶉也車無也
族味也大如雞鷓頭細而無尾毛色赤黃有斑點文
雌者足卑雄者足高常以晨鳴趨民收麥其子曰鷓
初生曰羅秋初曰早秋中秋曰白唐有斑者鶉無斑
者鶉性畏寒夜則羣飛晝則草伏竄淺草中無常居
而有常匹其性醇不越橫草遇小草卽旋避之鬪則

竦翼爲勇上飛不過尺故曰尺鷃曰斥鷃曰赤鷃尺
斥赤通言也八月化田鼠三月田鼠復化鴛或曰朽
瓜所化或曰蝦蟆所化或曰黃魚所化
附雀銜錢犬踏橇羊鳴鼓龜造塔熊翻筋斗驢舞柘
枝鼠躍歸環蛸舞應節猴演戲合人歌曲鳥銜牌協
人祿命蝦蟆大小說法螞蟻赤白排陣
附魏文帝鬪鴨唐元宗鬪雞唐僖宗鬪鷲賈似道鬪
蟋蟀吳人鬪蟻閩人鬪魚

鳴鳩布穀黃鶯搏黍所以勸農功也蟋蟀紡絲螳螂織

絹所以勸女紅也

蠶製繭蜂釀蜜蜘蛛結網鷓鴣治窠螭螂轉丸極乎人
工矣

螭螂蝓蝓也矢甲也天社也弄丸也轉丸也推丸也
麻母也推車客也黑牛兒也鐵甲將軍也深目高鼻
黑甲甲下有翅飛鳴洪洪然小者身黑而暗晝飛夜
伏大者身黑而光晝伏夜飛又大者爲胡蝓子負母
飛見燈光則來五六月中噉糞作丸圓正無邪角雌
雄相運前行者後足倒曳後行者前足順推作坎納

丸覆之不數日丸自動又一二日有小蟻螂自丸中飛去

蛟裂山巖穿地鮫透石通乎天力矣

龍珠在頷蛟珠在皮蛇珠在口鼈珠在足鯨珠在眼蚌珠在腹龜珠在殼

鯨鱷也摩竭也大者長千里小者數丈鼓浪成雷濤沫成雨常穴海底出穴則水溢溢謂之鯨潮每生數萬子五月就岸生子八月導入水行海中者一日逢頭七日乃逢其尾產則三百里爲血其目瞳曰明珠

曰夜光死沙上者無目云化珠矣海獸有蒲牢聲如洪鍾而性畏鯨鯨躍擊之鳴聲聞五百里蚌廬也蜃也含漿也蠓蚘也鱖鯉也珠母也狸物也甲狹而長者謂之蚌圓而巨者謂之蛤雉入大水爲蜃大蛤也雀入大水爲蛤小蛤也大者爲瓊爲玳爲瑀其口開閉無定聞雷聲則不復閉長三五寸聞雷聲則縮而小無牝牡雀蛤化成乃生珠中秋無月則蚌無胎其珠以酪漿灌之可化如水銀以浮石蜂窠蛇黃合之可引長三四尺服食可長生其甲曰方諸

諸珠也方石也摩拭令熱則照月生水其種類曰麤
蚌也蜉蝣也煇岸也單母也馬刀也馬蛤也齊蛤也
似蚌而小形狹長頭小銳多在沙泥中長三四寸濶
五六分曰蠃蠃也生蟾也毛蛤也海蟲也似蚌狹
長而黑有毛曰蛻螂癩績麻也銅釘蛤也晃郎蛤也
形厚唇黑殼有花文赤色海鳥食其肉則殼浮薄沙
岸爲風濤所洗自然潔白如雪曰文蛤花蛤也斑蛤
也一頭大一頭小紫斑文大者圓三寸小者圓五六
分曰天蛤遇天雷雨則自空而下不取則化曰擔羅

蛤似淡菜出新羅國曰日月蛤大如掌而圓扁殼半
片白半片黃曰萬年蛤

附物有珠者瀛州之藏珠漢水之鰲鮓余澤之珠蟹
泰山之狷狷大秦之金翅鳥易定之水馬劉鋹之苑
羊吹勒之鮫人摩竭之魚腦洞庭之赤蟲

牛有黃馬有墨犬有寶龍有尺木虎有威骨狐有媚珠
蛇有螫黃

兔腋有環鹿角有璫螺甲有貝鵲首有玉蛟甲有金鷄
縵有錦斲蛇腹有念珠

貝介蟲三代以爲寶今雲南猶用海肥以一爲庄四庄爲手四手爲苗五苗爲索海肥白貝也貝齒也大如拇指頂長寸許背腹皆白背隆如龜腹下兩開相向有刺如魚齒中肉如科斗而有首尾又相貝經有十六種曰文貝蚌螺也紫貝也質白如玉背深紫有黑點爲文行列相當大者徑一尺七八寸狀如赤電黑雲曰珠貝素質紅章曰綬貝青池綠文曰霞貝黑文黃畫曰浮貝黑白各半曰濯貝黃唇齒有赤駁曰雖貝黑鼻無皮曰皦貝赤帶通脊曰惠貝赤熾內殼

有赤絡曰營貝青唇赤鼻曰碧貝脊上有縷句唇雨則重霽則輕曰委貝赤而中圓雨則輕霽則重曰鷹喙貝曰蟬脊貝曰南海貝如珠磔曰大貝如輪又爾雅十一種在陸曰贖在水曰蝸大曰鮎小曰鱗黑曰元赤曰貽黃質白文曰餘貶白質黃文曰餘泉博而標曰肥大而險曰蝸小而狹曰贖鵲吐綬也天雞也錦雞也吐錦也錦囊也避株也孝鳥也真珠雞也錦帶功曹也大如鴿鴿頭頰似雉羽色多黑雜以黃白圓如真珠斑咽下有嚙囊長潤數

寸紅碧相間食必蓄噤臆前大如斗行慮觸噤必避
草木俗謂之錦囊其囊內藏肉綬常時不見春夏晴
明向日擺之項上先出兩翠角二寸許乃徐舒頷下
綬長濶近尺采色绚烂踰時悉斂或剖視之一無所
見此鳥生亦反哺

蘄蛇褰鼻蛇也白花蛇也龍頭虎口黑質白花脇有
二十四方勝腹有念珠斑尾有佛指甲腸如連珠好
食石南藤人以沙土撒之則不動割破其腹則自赴
水以指甲洗腸盤屈而死生蘄州者雖死自開生舒

蘄間者一開一閉他處白花蛇死無目開者

野婆之腰有印鯽魚之首有篆雄鼠之卵有篆治鳥之
腋有鏡

野婆野女也黃髮椎髻裸身跣足白色上下山谷如
飛鳥自腰以下有皮蓋膝腰有印若玉文如篆羣牝
無牡負男子以求合健者制而殺之弱者死於合矣
好盜人子女其家聚隣里大罵則挾還之

鯽印子魚也無鱗長三尺身正四方如印首象篆文
長一尺二三寸或謂應子魚以地名也扶南俗謂大

魚死者鮒魚必先封之

治鳥鳥都也豬都也人都也山獠也山鬼也山精也
山蕭也山駱也濯肉也熟肉也飛龍也大如鳩青色
穿樹作窠大如五六升器口徑數寸飾以土堊赤白
相間狀如射侯伐木者犯之則役虎爲害或燒人廬
舍此物時作人形裸身被髮呼嘯如鬼嘗入澗取蟹
孰人家火炙食畏爆竹煇燂聲或呼其名曰魃則亦
不爲害相傳有人遇洪水食楮樹皮餓死所化皮爲
豬都骨爲鳥都婦女爲人都左脇下有鏡印濶二寸

一分南人食其窠味如木芝其別種曰蚊超空也如
小兒獨足向後呼其名則却曰金累如人衣裘帶笠
茸毛在面曰獬如鼓赤色一足

虎目爲琥珀龍血爲琥珀蜂窠爲琥珀鯖枕爲琥珀循
名責實則松脂貴

鯖鱧也鱧也青魚也似鮠而背青頭中枕骨蒸令氣
通晒乾狀如琥珀睛汁注目可令夜視其膽可明目
然膽甚薄懸之越宿輒裂故鮮得全者市人以黃藤
膏混之亦可行血去翳然去膽遠矣

物知巫灘鴉善勅螺羸善咒水鳩善寫鶴善符虎善卜
鴛善禁

物知第十二

螺羸土蜂也奔蜂也蒲盧也蚴蛻也蠓螋也蠓螋也
細腰蜂也細腰黑色最小純雄無子負螟蛉爲子祝
之曰似我似我七日而化其不負螟蛉者稱雄黃蟲
陶隱居韓保昇寇宗奭俱謂生卵如粟取草上青蜘蛛
或青蟲置房中塞戶爲子糧非祝化也有三種巢
壁者螺羸穴地者蠓螋作窠於書卷及筆管蘆管者

蒲盧

物知醫鹿別良草蛇采方藥蠓螋救蛇老鸛活卵

蠓螋蛇醫也蛇師也水蜥蜴也蛇舅母也猪婆蛇也生
草澤間狀如蜥蜴有白斑者頭大尾小而短形粗亦
或青黃色蛇有傷輒銜草傅之俗傳蛇之舅母龍之
親家

物知兵豺祭方陳獺祭圓布

豺露犬也豺狗也似狗黃褐色前卑後高長尾白頰
舌似棘牙似錐黃瘦而猛健羣行虎亦畏之喜食羊

其聲如犬見虎睡則遶足而溺之虎不起則噬之以
狗為鼻見狗輒跪季秋取獸四面陳之祝其先
附虎食清泥解箭毒野豬豕薺芫解箭毒雉帖地黃
葉治鷹傷鼠飲泥汁解砒石毒

物知禮颺見人拱揖蝮見人叩首

鼯黃鼠也禮鼠也雀鼠也拱鼠也貌狸也似鼠色黃
足短善走穴有土窖如牀榻狀秋畜豆粟果實貯小
窖禦冬每日暖輒坐洞口見人則交兩足於頸拱立
如揖乃竄入穴鼠狼能入而啣之

蝮叩頭蟲也打卦老也大如螿狀似大豆黑色按其
後可使叩頭有聲亦可教之吐血佩之令人相愛殺
之不祥能入人耳灌以生油則出

物知天時鶯鵲避風蟻蝓避雨

物知地脉駝察泉源龜畫城迹

駝掾也獮也犴也物牛也駱駝也橐駝也封羊也馬
身羊首長項垂耳有蒼褐黃紫諸色善知泉脉過其
處輒不行以足踏地掘之得水又知流沙夏日熱風
輒豫鳴聚立埋口沙中風過則行不爾必斃性耐寒

惡暑夏則退毛至盡背有兩峯如鞍少則峯直老則峯倒力負重可千斤日行二三百里人欲載則屈足跪受所載未盡終不肯起其糞烟直上如狼烟其烟可殺蚊壁蝨其種類曰明駝每卧腹不貼地屈足露明曰風脚駝小鹿交駝而生其行如風曰可千里出于闐國曰牖獯也物牛也封牛也封駝也封羊也角乘也獨峰駝也背有一峰乘之如馬出梧州曰兩脚駝二足善負重而行出滑國

猩猩知人姓名狒狒知人生死獬廌知人曲直格獸知

人吉凶

猩猩狴狴也狀似猿犬二足無毛人面人足豕身犬腹長髮頭顏端正聲似小兒啼亦似犬吠成羣伏行能言嗜酒好著屐取之者置酒屐山中猩猩知誘者姓名及其祖先嘗曰誘我也走去復來染酒於指嘗之著屐試之已而又去去復來如初則相與連臂號泣同就醉躡屐舞而仆每捕獲必箠使自言血數或惜血少應益痛撻之乃增多至必不言乃殺之所得血如所許之數

佛狒鳴陽也梟羊也山都也土螻也人熊也髣髴也
鬻鬻也山獐也揮揮也野人也山大人也贛巨人也
人面赤色長脣短尾脚跟反向無膝睡則依木毛似
獼猴黑色常被髮迅走見人則先笑而後食之然笑
則上脣掩目獵人俟其笑時以錐釘脣著額俟死取
之大者長丈許血可染緋髮可爲髡作人言如鳥聲
能知人生死之數雌者以汁灑人則病
獬豸觥觥也獬豸也獬豸也解東也任法也神羊也
似羊一角青色四足好食楝葉春夏居澤秋冬居林

能別曲直有不直者挺角觸之唐堯之時嘗緝其皮
以爲帳

格獸似猩猩知人吉凶可擾而狎之有萌機害心者
輒先去之不復來

鸛溫卵則採礬雁避燬則銜蘆雀逐燕則投艾蛛拒蜂
則擦茅鵲避鷲則銜隱木狷禦矢則塗沙泥

鸛鷓鴣也墮羿也負釜也負金也黑尻也背竈也阜
帔也阜裙也阜羣也阜君也老鸛也晴鸛也鸛鷓也
鸛鷓也鸞鳥也灰鸛也鸛母也烏童也瓦亭仙也似

鶴而頂無丹項無烏帶頸赤身灰白喙翅尾黑好在
殿吻作窠亦於樹上爲巢其巢大如車輪生卵大如
杯挹卵以影或云以聲聒之伏卵時數入水冷則不
鰾取礬石周卵以助暖氣其巢中以泥爲池含水畜
魚有長水石放水不涸或以篾纏縛其巢必作法解
之有白鳥二種每遇巨石知有蛇卽如術士禹步其
石泐然而轉蛇出則啖之天將雨則長鳴羣繞而飛
謂之鸛井其鳴不啖以喙相擊而已
狗野省也野彘也似豬而大腹小尾長足短褐色牙

出口外好啖橡子松脂亦食蛇虺善取芄蕭枒槎爲
窟室陰以防雨景以蔽日又善曳沙泥塗身以禦矢
大可二三百斤能與虎鬪常羣行獵人取其最後者
羣行如故若射中前者則散走傷人

螳執翳而捕蟬鳩寫字而取魚鸛步罡而轉石鴛畫印
而開蠹

水鳩漫畫也色黑腹白長喙細腰以背畫水如寫字
然一息不停往往得魚

鴛喙木也斲木也小者如雀大者如鵲雄斑雌褐口

如錐長寸許喙足皆青剛爪修舌舌端有針好斲木食蟲以舌鈎出食之善爲雷公禁法曲爪畫地爲印則穴塞自開飛卽以翼墜之巫家取其符字以收驚療瘡或曰雷公採藥吏所化其聲剝剝卜卜其肉治齒痛其舌可作穿拍板繩

鵲下矢而伏蝟蝸牛規跡而止蠍蚰蜒吐涎而制蜈

蜈公螂蛆也蒺藜也天龍也背光黑綠色足赤腹黃春出冬蟄節節有足雙鬚岐尾性能制龍蛇蜥蜴而畏蜘蛛蝦蟆蛤蝮所行之路不敢過偶過則自

落地局縮不行蝮蝮陷腦食之或觸其身則死蜘蛛溺射之卽爛其食蛇或噉其腦或食其眼或禁蛇令開口輒入食其腸復穴旁而出入山者以竹管盛之亦能以氣禁蛇立死然螂蛆許慎以爲蟋蟀或以爲馬虻非也大者能噉牛皮可鞞鼓肉可作脯

顛當翻蓋而捕蟬鯿魚含水而吸烏白鷺弭絲而取魚顛當蚨蜋也蚨母也螳螂也土蜘蛛也金橐駝也穴土如蚓網絲其中土蓋與平常仰捍其蓋伺蠅虻過而翻蓋捕之纔入復閉與地一色無隙可尋而土蜂

復食之秦中鬼謠曰顛當顛當牢守汝門螭螭寇汝無處奔

鯀鮎也鯢也鮓也鮒也鮓也王鮪也人魚也孩兒魚也銅盆魚也似鼈大首長尾四足前足如獮後足如狗腹重墜如囊微紫無鱗口在腹下善緣木天旱輒含水上樹草葉覆身鳥來飲水因吸食之聲如兒啼剖視其中有小蟹小魚小石數枚食之者先縛樹鞭出白汁以去其毒其膏燃燭不滅生江湖者曰鯀生溪澗者曰鯢嶺表盤龍山之靈溪有魚四足修

尾狀如守宮人不敢捕卽此魚也

鷺鷥也白鷺也鷺鷥也春鋤也獨春也屬玉也昆明也帶絲也瑤花也絲禽也白鳥也雪客也白鶴子也碧繼翁也篁棲叟也風標公子也荻塘女子也色白如雪頸細而長脚青或黃善翹高尺餘解指短尾喙長三寸頭翅背上俱有長翰毳毳然長尺餘如絲欲取魚則彈之每涉數尺淺水好自低昂如春如耬之狀羣飛有序以目盼受胎至白露日飛騰而去其毛可爲褻襪林棲水食潔白如玉或紫紺色如鷓鴣其

朱者謂之朱鶴子亦名朱鷺

鱣張口而吞魚蟬張口而吞蛇螭開房而入物鮫露甲而誘蟻鯽浮喙而卷烏蝙蝠啟喙而食蚊

鱣蝗也鱣也含光也玉板也黃魚也似鱣色灰氣腥銳首岐尾鼻長有鬚口在頷下體有邪行背腹有甲三行無鱗黃肉軟骨大者長二三丈臨海有長六七里者張口接物聽魚鰓自入而食之

蟬大蛇也善啖蛇吸蝮但張其口小蛇自入而吞之出魏興

獠穴地蟻齧桑蝥蟻錐木鷦鷯剖葦鵠鳩竭澤魚虎竊

池

獠豬獾也獠狍也其子曰獠似豬體肥行鈍矮足短尾尖喙體毛褐灰色頭脊一道黑色其耳聾見人乃走常孔地而食蟲蟻亦食瓜果其肉帶土氣

螻齧桑也齧髮也山羊也大如蟬甲光如漆甲下有翅能飛喙黑如鉗六足在腹角有白點喜齧桑孔入其中夏出則兩有角如八字者各八角兒有一角者名獨角仙

鵝鵝鳩也鶯也鵲鵲也駝鶴也淘鵝也淘河也沸波也犁湖也犁塗也鵝胡也洿澤也鸚鵡也澤虞也護田鳥也似鸚而大灰色喙長尺餘口中正赤頷下有胡大如數升囊展縮由之胡中盛水以養魚云身是水沫也胸有兩塊肉列如拳或謂竊肉者所化夏至前來主水夏至後來主旱好羣飛沉水中食魚水澤有魚共抒水滿胡而棄之水竭魚出則食魚虎鳩也魚師也魚鷹也天狗也水狗也紅翠也翠碧也翠奴也似翡翠而小喙尖而長足紅而短背毛

翠碧翅毛黑青項毛白有蒼黑色者謂之箴鶯虎以爪抓狗鮓以尾撥蝦蚱以尾夾物膠以尻納脂蜂以股抱花象以鼻拾芥

蚤蠖蝮也蛛螻也蜈蚣也蜈蚣也搜夾子也似蜈蚣而小長不及寸青黑色二鬚六足足在腹前尾有岐能夾取人物嘗隱牆壁器物之下以溺射影令人生瘡如熱癩繞腰匝則死膠蟲好食松脂夏日脂出輒以前足傳脂如蜂採花後足攝脂納入尻中而去

蜻曰吾其信天緣也

蜻青翰也青莊也信天緣也長喙修項高足秃尾不善捕魚終日凝立不易其處魚過則取之或俟魚鷹所得而墜者拾以自食

鱗遁網龜遁形蟾蜍遁縛

鱗魃也赤眼也似鱗而小赤脉貫瞳身圓而長鱗細青質赤章好食螺蚌

魚傳書燕傳書雁傳書鵠傳書鶻傳書黃犬傳書

傳信鳥似鶯翔舞空中呼之則下可命投書處士元

藏機養之

象牙有常處鹿角有常處麝香有常處蠅圍有常處鵠鳴之糞有常處

蠅似黃狗圍有常處若行遠不及其家則以草自塞其尻

燕懷故巢蛙懷故土犬懷故主猴懷故主馬懷故主鸚鵡懷故主

附鵠鷄善笑諸犍善叱山膏善詈文文善呼青鶴善鳴鸛鳥善驚驪羊善還獐犬善駛孟極善伏絜鈎善

登狴狴善走囂猴舉父善投訛獸善欺舍利鳥善謙
倉兕善覆船



